



Ғылым  
өнеркәсіпке  
бағытталады

2-бет



Күреске  
толы өмірдің  
өнегесі

5-бет



Ерен еңбек  
ұмытылмас

8-бет



ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ

# ORTALYQ QAZAQSTAN

ҚАРАҒАНДЫ ОБЛЫСТЫҚ ҚОФАМДЫҚ - САЯСИ ГАЗЕТИ

1931 жылдың 4 қазанынан бастап шығады

www.ortalyq.kz www.instagram.com/ortalyq.kz/

БЕЙСЕНБІ, 28 ҚАРАША, 2024 ЖЫЛ №134 (23 456)

www.facebook.com/ortalyq.kz/ info@ortalyq.kz

## Қарағандының өркендеу бағдары

Мемлекет басшысы Қасым-Жомарт Тоқаев «Әділетті Қазақстан: заң мен тәртіп, экономикалық өсім, қоғамдық оптимизм» атты Қазақстан халқына Жолдауында Үкіметке және облыс әкімдеріне бірінші басымдық қатарында ақша-несие саясаты мен фискалды саясаттың арасындағы үйлесімсіздікті бір ізге түсіру қажеттігін тапсырды. Мұның мәнісі бар. Себебі, тұтас халықтың тыныс-тіршілігі түштеп келгенде, нарықтық қарым-қатынастың сауаттылығына кеп тіреледі. Аталған міндет таудан үлкен, тастан ауыр іс емес, әсілі. Таппермеде тариф текетіресі экономикалық көзқарасы қалыпты бұқараны титықтатпас үшін қажетті тетігін табу – өміршең меже.



Ерканат КЕЧЕСБЕКҰЛЫ,  
«Ortalyq Qazaqstan»

### Шағын бизнеске қолдау зор

Қазір нақты секторға несие әлі де ойдағыдай берілмей жатқанын ашық айтуымыз керек. Шағын және орта бизнесті жеткілікті қаржыландыру мәселесі де шешімін тапқан жоқ. Бұл жағдай еліміздегі іскерлік ортаның белсенділігіне, экономиканың тұрақтылығына және дәйекті дамуына кедергі келтіріп отыр. Үкімет пен Ұлттық Банк бірлесіп, осыған қатысты оңтайлы шешімдер ойластыруы керек. Банктердің экономикаға көбірек қаржы құюына жағдай жасау қажет, – деді Президент.

Қасым-Жомарт Тоқаевтың Қазақстан халқына Жолдауында экономикалық өсім мәселесі – бас тақырып. Ойткені, елдің әлеуметтік-экономикалық дамуы мен қаржылық тұрақтылығын қамтамасыз ету – өркендеу өзегі. Мемлекет басшысының жаңа бастамаларын орындау үшін Қарағанды облысы бірнеше бағытта жұмысты күшейтпек.



Қолжазба жасаған Ш.Алашбаева

3-бет

РЕСМИ

## Үш жылдық бюджет мақұлданды

Палатаның жалпы отырысында Мәжіліс депутаттары «2024-2026 жылдарға арналған республикалық бюджет туралы» Заң жобасына түзетулерді қабылдады. Құжат Сенаттың қарауына жіберілді.

Ерканат КЕЧЕСБЕКҰЛЫ,  
«Ortalyq Qazaqstan»

Премьер-Министрдің орынбасары – Ұлттық экономика министрі Нұрлан Байбазаров атап өткендей, жыл басынан бері 2024 жылға арналған макроиндикаторлар болжамын қалыптастырудың бастапқы параметрлері ел экономикасының ағымдағы дамуына сәйкес келеді.

Биыл 10 айдың қорытындысы бойынша мұнайдың орташа бағасы барреліне \$80,5 деңгейінде болды, орташа жылдық бағам бір доллар үшін 461,4 тенге болды. Мұнай бағасы барреліне 80 доллар, есеп айырысу курсы – долларға 460 тенге. Инфляция 6-8% аралығында сақталды. Осылайша, 2024-2028 жылдарға арналған бекітілген болжам аясында 2024 жылға арналған макроиндикаторлардың параметрлері сақталады, – деп түсіндірді министр.

Сонымен бірге, оның айтуынша, республикалық бюджеттің кірісі 14,1 трлн тенгеге бағаланып отыр, бұл бекітілген жоспардан 2 трлн тенгеге төмен.

Кіріс болжамының төмендеуі «Тенішевройл» ЖШС-да болашақ кеңейту жобасын іске қосуды 2025 жылға ауыстыруға байланысты мұнай өндірудің 5,1 млн тоннаға төмендеуіне, биылғы қосымша құн салығын қайтару сомасының ұлғаюына, сыртқы сауда айналымы, биылдың 9 айындағы нақты есеп айырысу түсімдерін нақтылау, – деп қосты Қазақстан Республикасының Ұлттық экономика министрілігінің басшысы.

Жалпы алғанда, республикалық бюджет жобасына енгізілген түзетулер ел экономикасының қазіргі ахуалын ескере отырып жасалған. Экономиканың тұрақтылығын сақтау, болжанған көрсеткіштерге сәйкестік және болашақ даму үшін нақты шаралар легі қоса ұсынылды. Алдағы уақытта Сенат мақұлдаған соң бұл түзетулердің елдің экономикалық дамуында қаншалықты маңызды рөл атқаратыны белгілене түспек.



## Шалғайдағы мектептер шет қалмайды

Қарағанды облысында шалғайдағы 106 ауылдық мектепте жоғары жылдамдықты интернет мәселесі шешілді.

Аяулым СОВЕТ,  
«Ortalyq Qazaqstan»

Спутниктік байланыс орнатудың арқасында сегіз мың бала білім беру ресурстарына қол жеткізді. Өңірде ауылдық елді мекендердің 91%-ы интернетпен қамтамасыз етілген. Жыл соңына дейін 4G мобильді интернеті Қарқаралы және Ақтоғай аудандарының тағы 13 ауылына тартылуы тиіс.

Қарағандыда бесінші буын мобильді байланысы енгізілуде. Бүгінде қала бойынша 43 базалық станция орнатылған. Олар сынақ режимінде жұмыс істейді, сондықтан, байланыс жылдамдығы мен сапасы мәлімделген сипаттамаларға сәйкес келмеуі мүмкін. Бұл жұмыс келесі жылдың соңына дейін аяқталады, осы мерзімде қалған 15 антеннаны орнату жоспарлануда, – деді об-

лыстың ақпараттандыру, мемлекеттік қызметтер көрсету және мұрағаттар басқармасының басшысы Константин Ильницкий.

Республикалық және облыстық автожолдар бойында 5G интернетпен қамтамасыз ету үшін 14 антенна-діңгек құрылысын орнату жоспарлануда. Келесі трассалар «Астана-Алматы», «Қарағанды-Аягөз», «Қарағанды-Баянауыл», «Қарағанды-Павлодар», «Теміртау-Нұра» және «Ақшатау-Ақадыр» бағытында қамтылады.

2027 жылдың соңына дейін облыстың 168 ауылына талшықты-оптикалық кабель тарту жоспарлануда. Бұл 59 мыңнан астам ауыл тұрғындары үшін интернетке қол жеткізуге мүмкіндік береді.

## Аңқасы кепкен ауылдар азаяды

Ауылдағы ағайынға ең қажеті – жол мен су. Егер осы негізгі деген екі мәселе оң шешім тапса, онда ауылдың ажары артады, тіршілігі түзеледі. Мемлекет басшысы Қасым-Жомарт Тоқаев 2025 жылдың соңына дейін барлық елді мекендерді сапалы ауыз сумен 100 пайыз қамтамасыз ету туралы Үкіметтің алдына міндет қойды. Президент пәрменінен соң өңіріміздегі аңқасы кепкен ауыл саны азайып келеді. Бұған дейін бірнеше ауылдағы ел-жұрт қыр асып, құдықтан қауға тартып, пәленбай шақырымнан су тасып келді. Енді олар алыстан арбамен су тасымалдау, үйінің іргесіндегі сапалы суды тұтынады.

Қасымхан БҮРКІТҰЛЫ,  
«Ortalyq Qazaqstan»



Қолжазба жасаған Ш.Алашбаева

6-бет

### ҚҰРМЕТТІ ОҚЫРМАН!

Облыстық «Ortalyq Qazaqstan» газетіне 2025 жылға жазылу науқаны басталды. Газетке жазылуды «Қазпошта» АҚ пошта байланысының барлық бөлімшелерінде, сондай-ақ, Ермеков көшесі, 33 үй, 8-қабат мекенжайы бойынша редакцияда ресімдеуге болады

Санаттар	Жеткізусіз	«Қазпошта» АҚ Қала (тенге)	«Қазпошта» АҚ Аудан/ ауыл (тенге)	
Кәсіпорындар мен ұйымдар үшін		6 ай	10447,44	5882,60
		12 ай	20894,88	11765,20
Жеке жазылулар үшін	12 айға 4116 тенге	6 ай	3386,60	3074,60
		12 ай	6773,20	6149,20



«ORTALYQ QAZAQSTAN»  
GAZETINE

Kaspi QR

АРҚЫЛЫ ЖАЗЫЛЫҢЫЗ



Жеке жазылушылар үшін

Анықтама  
телефоны:

41-26-85,  
8-702-638-56-85,  
8-705-902-04-05.

E-mail:

otdel.pochtovyy@bk.ru

ВАЛЮТАЛАРДЫҢ РЕСМИ БАҒАМДАРЫ:

•EUR/KZT 524.28

•USD/KZT 498.55

•RUB/KZT 4.75

•CNY/KZT 68.76

Қазақстан Ұлттық Банкінің 27 қараша, 2024 жылғы дерегі бойынша



# Қарағандының өркендеу бағдары

(Соңы. Басы 1-бетте).

Өңір бүгінде өндірісімен ғана емес, іскерлік қарымымен де танылып тұр. Аймақтағы әрбір екінші-үшінші тұрғын жеке ісіне көңіл бөледі. Бұл бағыт күн өткен сайын мәнді бола түсері айдан ашық ақиқат. Осы орайда облыс экономикасын дамыту, шағын және орта бизнесті қолдау назардан тыс қалмақ емес. Әлбетте, ол үшін Президент сөз еткен Жолдаудың басты міндетінің бірі – нақты секторға несие беруді жандандыру. Жоғарыда Президент несиеге қолжетімділіктің төмендігі экономиканың тұрақтылығына кедергі келтіріп жатқанын атап өтті. Облыс бизнеске арналған қаржыландыруды арттыру арқылы іскерлік белсенділікті қолдау жолында жүйелі жұмыс істеп келеді. Нәтиже жоқ емес, бар. Осы жылдың алғашқы тоғыз айында шағын және орта бизнеске 1,5 трлн теңге бөлінген. Бұл өткен жылмен салыстырғанда 20% жоғары. Облыс бойынша 5 мыңнан астам жаңа жұмыс орны ашылды. Аталған көрсеткіш өңірдің экономикалық тұрақтылығын, іскерлікті дамытуға бағытталған бірлескен амалдардың нәтижелі екенін айғақтайды.

Облыс әкімі Ермағанбет Бөлекпаев логистиканы өңірдің экономикалық өсімінің негізгі бағыттарының бірі ретінде атады. Қарағандыда Teez маркетплейсі жұмысын бастады. Қойма терминалдың ашылуы өңірдегі электронды сауданың дамуын едәуір жеделдеткен. Платформаның қуаттылығы – жылына 27 миллион тапсырыс. Яғни, шағын және орта кәсіпорындардың іскерлік белсенділігін ынталандырады.

– Қарағанды – тек көмір және болат шығаратын алып өндіріс ошағы деген стереотип қалыптасқан еді бұған дейін. Бірақ, соңғы 10 жылда экономика құрылымы жаңаланып, өзгерді. Бүгінде қазыналы Қарағанды – сауда мен қызмет көрсету саласының жоғары үлесі бар үлкен орталық, агломерацияның негізіне айналып үлгерген. Облысымызда екі адамның бірі кәсіпкерлік саласында, – деді өңір басшысы.

## Салық реформасы кәсіпкерді ынталандырады

«Халықаралық сарапшылар қазақ банкітерін ресурсқа бай елдер ішіндегі ең көп пайда табатын банкітер санатына қосады. Сондықтан, осы саладағы салық мөлшері әділ белгіленуге тиіс. Банкітердің акционерлері дивидендіне сәйкес салық төлеуі керек. Банкітерге мемлекет көрсеткен көмек тұрғысынан қарасақ, бұл – өте орынды ұстаным. Цифрлық активтердің айналымын қамтамасыз ету және банк саласына инновацияларды қауіпсіздік талабына сәйкес енгізу үшін оны реттейтін тетіктердің тұрақты болуы маңызды. Бізге Банкітер туралы жаңа заң қажет. Бұл құжатта экономикалық белсенділікті қолдау және финтех саласын қарқынды дамыту сияқты өзекті мәселелер шешімін табуы керек. Қазір қолданып жүрген заң шамамен 30 жыл бұрын қабылданған. Ол кезде заман да мүлде басқа болды» делінген Жолдауда.

Мемлекет басшысы Жолдауында банкітердің экономикалық дамуындағы рөліне баса назар аударып, дивидендтер бойынша салық мөлшерін әділ белгілеуді тапсырды. Өңір өмірінде салық реформалары белсенді жүзеге асырылуда. Аймақтық шағын және орта бизнестен түсетін салықтардың жергілікті бюджетке қалдырылуы өз деңгейінде бюджеттік дербестікті арттырды.

– Біз елімізде алғашқылардың бірі болып, бөлшек салықты 2% дейін төмендеттік. Нәтижесінде жеке кәсіпкерлердің, салық төлеушілердің саны 16 есеге өсіп, 2,5 мыңға жетті. Осы жылдың 8 айында шағын және орта бизнестің салықтық түсімдері 16% өсті, – деп толықтырды аймақ басшысы Ермағанбет Бөлекпаев.

Кәсіпкерліктің дамуына мемлекеттік қолдау да орасан септігін тигізуде. Облыс әкімі бір мысал ретінде «Інкәріс» металл өңдеу кәсіпорнын келтірді. Мемлекеттің көмегі арқасында ол бес жұмыс орнын 115-ке дейін көбейте алған. Есесіне шағын және орта бизнестен түсетін салық түсімін 15% ұлғайған. Осы жылы жергілікті бюджетке шамамен 80 млрд теңге кіріс түсті, бұл аймақтық жобаларды қаржыландыруға мүмкіндік берді. Жаңа салық кодексіні әзірлеу барысындағы шаралар да экономикалық белсенділікті арттыруға бағытталған.

Қаржы тұрақтылығы және бюджет қаражатын тиімді пайдалануға келсек, Президент Жолдауында бюджеттің кіріс бөлігі орындалмай жатқанына назар аударды. Облыста бұл мәселені шешу үшін бюджет қаражатын үнемдеу және стратегиялық маңызы жоқ жобаларға



Коллажы жасаған А.Коктева

– Біз елімізде алғашқылардың бірі болып, бөлшек салықты 2% дейін төмендеттік. Нәтижесінде жеке кәсіпкерлердің, салық төлеушілердің саны 16 есеге өсіп, 2,5 мыңға жетті. Осы жылдың 8 айында шағын және орта бизнестің салықтық түсімдері 16% өсті.

шығындалмау саясаты қолға алынған. Мәселен, биыл облыстық бюджеттің шығыс бөлігінде 10% қысқарту жоспарланған. Үнемделген қаражат әлеуметтік жобаларды қаржыландыруға бағытталып отыр. Оның ішінде, мектептер мен ауруханалар құрылысы да бар. Иә, осылайша Қасым-Жомарт Тоқаевтың Жолдауын жүзеге асыру Қарағанды облысының экономикалық және әлеуметтік дамуына оң әсерін тигізді. Өңір басшылығы Президент тапсырмаларын орындауға белсенді түрде кірісіп, көптеген оң нәтижелерге қол жеткізді. Алдағы уақытта Салық кодексіні жаңарту, бюджеттік дербестікті күшейту және көлеңкелі экономиканы төмендету бойынша жұмыстар жалғасатын болады.

орта бизнестің дамуы және жаңа жұмыс орындарының құрылуы халықтың жұмыспен қамтылу деңгейін арттырып, өңірлік экономиканың серпінділігін көрсетті. Экономикалық өсімнің 13,1% жетуі – Қарағандының тек аймақтық ғана емес, бүкіл республикалық дамуға қосқан үлесін айғақтайды.

Президент атап өткендей, мемлекеттік қаржыны тиімді жұмсап, шығыстарды қатаң бақылау – ұлттық экономиканың тұрақтылығын сақтаудың маңызды шарттары. Осылайша, Қарағанды облысы алдағы уақытта да тұрақты даму жолынан таймай, аймақтық және республикалық деңгейде экономикалық өсім мен халықтың тұрмысын жақсарту бағытында жаңа жетістіктерге жетуге бағыттала берген.

қызметтер мен сауда-саттықтың мүмкіндіктері толық пайдаланылса, экономиканы дамыту, салық түсімдерін арттыру және халықты жұмыспен қамту шаралары тезірек нәтиже береді. Фискалды реформа табысты болсын десек, салықтық әкімшілендіруді цифрландыру керек, – деді Президент.

Қарағанды облысында бизнес ортаның және жергілікті халықтың бұл бастаманы қызу қолдауы байқалады. Аймақта кәсіпкерлікті қолдау, экономикалық өсімді жеделдету, салықтық әкімшілендіруді цифрландыру сияқты шаралар жүйелі түрде жүзеге асырылуда. Облыс әкімшілігі де өз тарапынан салықтық жүйені оңтайландыру үшін бірнеше маңызды қадамдар қабылдады.

Сонғы жылдары Қарағанды облысы салық саясаты бойынша бизнестің қолайлы жағдайлар жасалуына ерекше көңіл бөлді. Мәселен, бөлшек салықты енгізу арқылы облыстағы кәсіпкерлер саны айтарлықтай өсті. Бұл норма кәсіпкерлерді көлеңкеден шығуға ынталандырып, бизнесті ашық жүргізуге негіз қалады. Қарағандылық кәсіпкер, жиһаз өндіруші Әсел Жексенбаева бұл өзгерістердің маңыздылығын атап өтеді.

## Қарағандының экономикасы 13,1% өсті

– Ашығын айтуымыз керек, бізде республикалық бюджеттің кіріс бөлігі орындалмай жатыр. Бұл – бұрынғы және қазіргі Үкімет жұмысындағы үлкен оңқалық. Мұндай жағдай жиі кайталанса, түптеп келгенде, еліміздің дамуын тежейді. Сондықтан, оған жол бермеу қажет. Бюджет қаржысын тиімді пайдаланып, оның шығыс бөлігін шектеп, қатаң бақылауға ұстаған жөн. Үкімет Ұлттық Банкімен бірлесіп, осы мәселеге қатысты нақты шаралар қабылдауға тиіс. Мемлекет қаржысының тұрақтылығын қамтамасыз етудің бірден-бір жолы – көрпеге қарай көсілу. Сондықтан, бюджет қаражатын стратегиялық маңызы жоқ, аса шұғыл емес шаруаларға оңды-солды шашуды доғару керек, – деді Президент.

Қарағанды облысында экономиканың барлық салаларында өсім қамтамасыз етілді. Өнеркәсіптік кәсіпорындар 9 айда 3 триллион (2 853,6 млрд) теңгеге жуық өнім өндірді. Облыстың дамуы туралы Қарағанды облысының әкімі Ермағанбет Бөлекпаев айтып берді. Өнеркәсіпте, құрылыста, ауыл шаруашылығында, ішкі саудада айтарлықтай жоғарғы көрсеткіштер байқалады. Бизнестің іскерлік белсенділігі де артып келеді. Шағын және орта бизнес саласында бүгінде 231 677 адам жұмыспен қамтылған, бұл облыстың барлық жұмыспен қамтылған халқының 42,4%-ын құрайды. Жаңа жұмыс орындары құрылуда. Экономиканың өсу қарқыны (қысқа мерзімді экономикалық индикатор) 13,1% құрады.

Қарағанды облысы қазіргі уақытта елдегі ең қарқынды дамып келе жатқан өңірлердің бірі болып отыр. Әкім Ермағанбет Бөлекпаевтың жетекшілігімен қол жеткен жоғары көрсеткіштер облыстың тұрақты өсуі мен халықтың әл-ауқатын жақсарту үшін негіз болуда. Өнеркәсіптен ауыл шаруашылығына дейінгі барлық салаларда өсім қамтамасыз етіліп, 9 айда 3 триллион теңгеге жуық өнім өндірілді. Шағын және



## Фискалды белес

– Салық режимдерін кәсіпкерлерге жасалған қолайлы жағдайдың нашарлап кетпеуін ескере отырып, оңтайландырылған жөн. Бөлшек салықтың енгізілуін мысал ретінде айтуға болады. Осы нормаға сенім артқан кәсіпкерлер қызметін ашық жүргізе бастады, кәсіптерін бөлшектеуді азайтты. Алайда, бұл режим негізінен халықпен тікелей жұмыс істейтін кәсіпкерлерге қатысты болуға тиіс. Тұтынушыларға арналған

Бөлшек салықтың арқасында біз шығындарды төмендетіп, бәсекелестікке төтеп беру мүмкіндігіне ие болдық. Енді жоспарларымызды ұзақ мерзімге құруға сенімдіміз. Алайда, Президент айтқандай, бөлшек салық режимін негізінен халықпен тікелей жұмыс істейтін кәсіпорындар үшін қолдану керек. Бұл бағытта Қарағанды облысы тұрмыстық қызмет көрсету саласы, сауда, қоғамдық тамақтану орындары сияқты қызметтерді дамытуға басымдық береді, – дейді Әсел.

маларды тиімді жүзеге асыру арқылы аймақтық және республикалық экономиканың дамуына үлес қосуда. Бюджеттік тұрақтылықты нығайту, салықтық әкімшілендіруді цифрландыру және әділетті салық саясатын ұстану облыстағы бизнестің ортаның өсіп-өркендеуіне ықпал етеді. Қарағанды кәсіпкерлері мен қарапайым тұрғындары жаңа Салық кодексінің әділеттілігі мен ашықтығына сенім білдіріп, бұл реформалардың елдің тұрақты дамуына үлес қосатынын күтіп отыр.



# «Polymet Solutions Corporation»: Инновация және сапа



«Polymet Solutions Corporation» жауапкершілігі шектеулі серіктестігі – тау-кен-металлургия кешенінің технологиялық үдерістерінде пайдаланылатын футеровка өндірісінің толық айналымын қамтитын Орталық Азия кеңістігінде теңдесі жоқ бірегей жоба. Жобалық қуаты жылына – 413,7 тонна.

**Ерканат КЕЧЕСБЕКҰЛЫ,**  
«Ortalyq Qazaqstan»

## Ізденіс пен ілгерілеу

Футеровка ұғымының әл-әзір қазақша баламасы жоқ. Бір сөзбен айтқанда, шарлы диірмен атаулысына арналған резеңкелі-металлды төсем десек, ұғынықты болар. Бұл суперкаптама диірмен мен айналмалы тегеріктің ішкерідегі бөлігін тоздан қорғау үшін сондай-ақ, құрылыс өнімділігін жақсарту үшін қолданылады. Көз жазбай байқап отырсақ, соны технология – тау-кен байыту, химия өнеркәсібінде әрмен қарай цемент өндірісіндегі ең тиімді тетіктердің бірі. Ал, мұндағы резеңке металл төсем – кәдімгі металл мен резеңке элементтердің үйлескен тіркесімі. Металл өзегі механикалық зақымдануға қарсы төзімділікті қамтамасыз етсе, резеңке соққыны жұмсартып, сіңіріп, өндіріс барысындағы қақпақылдарды кемітеді. Есесіне диірменнің тозуы азаяды. Материалдарды өзара әрекеттестіру, біріктіру толығымен металл немесе резеңке аналогтарымен салыстырғанда төсемнің қызмет ету мерзімін айтарлықтай арттырады. Абразивті тозуға және коррозияға төзімділікті диірменнің тұрақты жұмысын қамтамасыз етеді. Шу мен дірілді басады. Осынымен қызметкерлердің жұмыс істеуі үшін барынша қолайлы жағдай жасайды. Ұнтақтау үдерісін онтайландыру жолымен диірменнің қуат тұтынуын азайтады. Шарлардың біркелкі қозғалысын қамтамасыз етіп, материалды ұнтақтау сапасын жақсартады. Резеңке-металл плиталардың жеңіл салмағы диірмен бөлшектерін онтайлы орнату және бөлшектеуін жеңілдетеді. Төсемді толығымен ауыстырудың орнына жеке тозған бөліктерді ауыстыру мүмкіндігі де өндіріс өрісін аршындатады. Резеңке металл төсеу дымқыл және құрғақ ұнтақтау шар диірмендерінде кеңірек қолданылады. Жартылай автогенді және автогенді диірмендер, минералды материалдарды өңдеуге арналған арнайы диірмендер де осы қатардың сап басында. Тын тетік қарабайыр металл төсеммен салыстырғанда салмағы аз, шу деңгейі төмен, тозуға төзімділігі бекем. Осындай өркеуде өркеніет қоғамындағы тың ізденіс бара-бара, келе-келе ілгерілеуге ұласқан.

## Жапониядан – жалпыға

Бұқаралық ақпарат құралдары өкілдерін еден етер ітпінатпен қарсы алған өндіріс саласындағы әріптестер «ә» деген беттен-ақ кәсіпорын тұжырымдамасын екі ауыз сөзбен айта салды. «Сапалы шикізат, жоғары білікті команда!». Компания Германия, Италия, АҚШ, Жапония, Испания өндірушілерінің заманауи жабдықтарының әлеуетімен жоғары сапа стандарттарына сайкес келетін өнімдер шығаруға тyaқ іліктірген. Табысын тарыдай шашпай, талайдың меншігіне ұстатпаған. Өңдеу орталығы біліктерден басқа болаттан, шойыннан, алюминийден, қолдан жасалған бұйымдар үшін кез келген күрделіліктегі фрезерлік жұмыстарды жүргізе береді.

Бұл жылы зауыт Орталық Азиядағы жалғыз Окита фрезерлік өңдеу орталығын іске қосты. Түсіндіре кетсек, Окита атты фрезерлік өңдеу құрылысы – металл өңдеудің



«Polymet Solutions Corporation» ЖШС Бас директоры Қуандық Қазанғапов

күрделі операцияларын орындауға арналған жоғары технологиялық жабдық. Алғы шаққа алғаусыз аттаған Окита станоктар өндірісіндегі жаһандық көшбасшылардың бірі. Жарияға асығып, жақ ашып, тіс жармағанымен, аталған жүйе авиация, автомобиль, энергетика және машина жасау сияқты әртарапты салаларға арналған шешімдердің кең ауқымын ұсынып келеді. Окита станоктары жоғары геометриялық дәлдік пен «дірілді» азайтуды қамтамасыз ететін бірегей шешімдерді қолдана отырып жасалған. Жабдықтың беріктігіне ықпал ететін материалдар мен технологиялар қолданылады. Мұндай заманбап

дағы осы өндіріс зауыты келесі жылдан бастап, резеңке мен пластмасса бұйымдары түрлерінің тізбесін ұлғайтпақшы. Импортты да алмастырмақшы. Шынтуайтында, нарық заманының нар құлатар қыспағында импортты алмастыру әрі оның елдің экономикалық дамуындағы рөлін қазір асыра бағалау қиынның-қиын. Алып ресурстық әлеуетке ие Қазақстан ішкі нарықтағы импорттық тауарларды алмастыра алатыны ерлікпен пара-пар дерсіз осындайда. Отандық кәсіпорындар шығаратын өнімдер қатарының бәсекеге қабілеттілігін арттыра алып, түрленді тыннан салып келеді. Алайда, отандық тауарлар өндірісін ұлғайтуға

Әсіресе, Kazakhmys, KAZ Minerals, «Алтынамас», Kazzinc сынды алпауыт компаниялар фабрикалары диірмендеріне бұл өнім түрі ауадай қажет. Сондықтан, «Полиметті» алпауыттардың алтын арқауы десек те, артық айтпағандық. Бірегей өнім қосыласа Ресейге де экспортталады. Келесі жылы Болгарияға жөнелтіледі деп жоспарланды. Қырғызстан, Моңғолия мемлекеттерімен тиісті келіссөз жүргізілуде. Парықтай келгенде, басымдық – сапа мен тиімділік. Қуатты технологиялық база және жоғары білікті мамандар тобы зауыттың басты артықшылығы саналады. Бас директор Қуандық Қазанғаповтың айтуынша, өндірістің кеңейі тек өнім көлемінің өсуімен ғана емес, сондай-ақ, жаңа технологиялардың енгізілуімен қатар жүреді. Сұраныстың сынынан сырт айналмақ жоқ. Бұл кәсіпорынның өңдеу үдерісінде халықаралық стандарттарға сай келетін сапаны қамтамасыз етуіне мүмкіндік ұсынады.

да қазір зауытта 75 адам еңбек етеді. Жаңа цех іске қосылған соң тағы 150 адам жұмысқа қабылданады. Мұнда еңбек адамына әлеуметтік қолдау көрсетілген. Яғни, жалақыдан тыс сыйақы мен арнаулы тасымалдау көлігі мен тегін түскі ас қарастырылған. Былтыр жыл соңына таман өзін үздік көрсете білген қызметкерлерге Түркия, Араб әмірліктеріне саяхат жолдамасы тапсырылыпты. Биыл да осы сынды сый-құрмет жалғасын таппақ. «Кен байыту саласында жаңа диірмендер қолданысқа енгізілді. Осыған орай, қажетті резеңке жабдығын дер кезінде шығару маңызға ие», – дейді зауыттың өндіріс жөніндегі директоры Галина Харасова.

– Өнім көлемі әртүрлі. Біз қапталатын резеңке металды жабдықтың сан алуан түрін шығарамыз. Ол үшін зауытқа қажетті заманауи қондырғыларды да сатып алу үстіндеміз. Таяуда Қытайдан бұйымды нығыздайтын қондырғы әкелінді, – деді спикер. Өнім өндіру үшін шикізат негізінен

алумен ерекшеленеді. Түбінде сол жобаны қаржыландырудың өзін қамтамасыз етеді.

Экономикалық әсері және әлеуметтік жауапкершілікке келсек, зауыттың өндірісті әртарапандыру стратегиясы аймақ экономикасына оң ықпалын тигізуде. Жаңа жұмыс орындарының ашылуы, жоғары жалақы мен қызметкерлерге көрсетілетін әлеуметтік қолдау – бұл кәсіпорынның қоғам алдындағы жауапкершілігінің көрсеткіші. Галина Харасова атап өткендей, өндіріс барысындағы жаңашылдықтар мен жоспарлы жаңартулар саланың қарқынды дамуына серпін береді. Резеңке-металл бұйымдарының жаңа түрлерін шығару – алдағы жылға белгіленген басты міндеттердің бірі.

Кәсіпорын Сарыарқа арнайы экономикалық аумағында орналасқан. Жалпы ауданы 500 гектардан астам бұл өндірістік алқапта инвесторлар үшін логистикалық, салықтық және кенендік жеңілдіктер



Өндіріс үдерісіндегі бір сәт



Қытай Халық Республикасы, Корея, Малайзия, Вьетнам сынды мемлекеттерден алынады. Негізгі шикізат түрі – каучук. Яғни, каучуксыз шикі резеңке өндірілмейді. Химиялық шикізат көршілес Ресей Федерациясынан тасымалданады. Қосымша шикізат түрлері Еуропа елдерінен әкелінеді. Металл бұйымдарына келсек, негізінен, Hardox сынды сапалы металл түрі Швеция елінен тасымалданады. Зауыт қызметкерлері Стокгольм қаласына барып, ондағы өндіріс ошақтарына тікелей танысып қайтқан. Ол елмен тығыз қарым-қатынас орнаған. Өзге керек-жарак Қазақстанның өзінен сатып алынады. Ал, отандық шикізат көлемі 70%-ды құраған.

қарастырылған. Мұндай қолайлы бизнес климаты кез келген кәсіпорынның аз уақыт ішінде дамуына оң ықпал етеді. Сарыарқа арнайы экономикалық аймағының мүмкіндіктерін пайдалану арқылы «Polymet Solutions Corporation» өз өндірісін кеңейтіп қана қоймай, өндіріс экономикалық әлеуетін арттыруға да зор үлес қосуда. Аймақтағы өндіріс кәсіпорындары арасында серіктестіктің көшбасшы рөлі еленуде. Бұл зауыттың басты ерекшелігі – инновация мен тұрақты даму қағидаларын үйлесімді біріктіруі.

Зауыттың алдағы даму жоспарлары ауқымды. Қазіргі кезде шойын өнімдерін өндіру үшін жаңа технологиялық желілерді іске қосу бойынша жұмыстар басталып кетті. Сонымен қатар, Болгария мен Ресей нарықтарына шығу міндеті, халықаралық серіктестермен ынтымақтастық орнату – компанияның даму стратегиясының бір бөлігі. «Polymet Solutions Corporation» – заманауи технологиялық шешімдер мен аймақтық экономиканы қолдаудың жарқын үлгісі. Жоғары сапалы өнім, әлеуметтік жауапкершілік және инновацияға негізделген даму стратегиясы – бұл кәсіпорынның ұзақ мерзімді табысының кепілі. «Қазанда болса, шөмішке шығады». «Полимет» құрғанасқан күр шықпадық. Телегей теңіз ошақтың қордалы да ордалы бір күндік тірлігі ес-тұтымға осыншалық бағалы мағлұмат сыйлады...

Суреттерді түсірген  
**Александр МАРЧЕНКО**



Резеңке-металл бұйымдарын даярлау барысы









